




Republika e Kosovës
Republika Kosova
Republic of Kosovo

Zyra e Kryetarit

Sh.02.Nr.131, datë:14.07.2026



Në bazë të neneve 13 dhe 58 të Ligjit Nr. 03/L-040 për Vetëqeverisjen Lokale (Gazeta Zyrtare e Republikës së Kosovës, Nr. 28/2008), nenit 40 të Ligjit Nr. 2004/18 për Tregtinë e Brendshme, Ligjit Nr. 02/L-102 për Mbrojtjen nga Zhurma, Ligjit Nr. 08/L-176 për Ndryshimin dhe Plotësimin e Ligjeve që Përmbajnë Procedura të Veçanta Administrative, si dhe nenit 5, paragrafi 5.1, shkronja m), nenit 70, paragrafi 70.1 dhe nenit 82 të Statutit Sh.01.Nr.20203, të datës 21.06.2023, të Komunës së Kamenicës, Kryetari i Komunës nxjerr këtë:

VENDIM

Për zgjatjen e përkohshme të orarit të përdorimit të mjeteve elektroakustike nga bizneset e sektorit të gastronomisë në territorin e Komunës së Kamenicës

1. Lejohet përdorimi i mjeteve elektroakustike nga bizneset e sektorit të gastronomisë në territorin e Komunës së Kamenicës, në kuadër të ushtrimit të veprimtarisë së tyre, gjatë ditëve të punës deri në orën 23:00, ndërsa gjatë ditëve të fundjavës (e premte dhe e shtunë) deri në orën 24:00.
2. Lejimi i përcaktuar në pikën 1 të këtij vendimi zbatohet deri më 31 gusht 2026.
3. Bizneset e sektorit të gastronomisë janë të obliguara që gjatë përdorimit të mjeteve elektroakustike të respektojnë kufijtë e lejuar të zhurmës, si dhe të gjitha kushtet dhe detyrimet e përcaktuara me legjislacionin në fuqi.
4. Drejtoria për Shërbime Publike, Ambient, Inspektorat dhe Emergjencë është përgjegjëse për mbikëqyrjen e zbatimit të këtij vendimi dhe për ndërmarrjen e masave në kuadër të kompetencave të përcaktuara me legjislacionin në fuqi, në bashkëpunim me Policinë e Kosovës dhe institucionet e tjera relevante.
5. Zyra për Informim obligohet që, menjëherë pas hyrjes në fuqi të këtij vendimi, të informojë publikun dhe bizneset e sektorit të gastronomisë përmes faqes zyrtare të Komunës dhe kanaleve zyrtare të komunikimit.
6. Ky vendim hyn në fuqi në ditën e nënshkrimit nga Kryetari i Komunës.

Vendimi t'i dorëzohet:

- Zyrës së Kryetarit;
- Zyrës së Nënkyetares;
- Zyrës së Informimit;
- DSHPAIE-së;
- Policisë së Kosovës (Stacioni Policor në Kamenicë); dhe
- QSHQ – Arkivit.



Kryetari i Komunës

Kadri Rahimaj